



იმისთანა წმინდა საძმომი, ბოგბიღ ბუქ-  
უძი სიფყაა, ცყდილებით და ჭებობით ბუბ-  
თის გაფანა ყულა უჯადისთბაჯ უსაბაგლსია.

გამოდის 1918 წლის  
25 ივლისიდან

# რესპუბლიკა

სამშაბათი, 21 ივლისი. 2020 წ. №90 (9016)

ელ.ფოსტა: sakresp@mail.ru და sakresp@top.ge

ფასი 60 თეთრი

## როცა მეზობლები ჩხუბობენ...



იხ. 4 გვ.

## ხოვ არ მოგვწვდება სომხეთ-აზერბაიჯანის ოზის სეხსელი?


## კუბერტ ქნირში: საქართველოში ბერმანული ვიზიტორების დაბრუნებას ველი

ბერმანულ-ქართული ურთიერთობები ურთიერთპატი-  
ვისცემით ხასიათდება და ის კიდევ უფრო გაძლიერდა. ამის  
შესახებ გერმანიის ელჩმა ჰუბერტ ქნირშია ჟურნალ „დიპლო-  
მატთან“ ინტერვიუში განაცხადა.

„ქართველები კრიზისს განსაკუთრებულად გაუმკლავდნენ.  
ასლა ველი პირველი გერმანელი ვიზიტორების დაბრუნებას სა-  
ქართველოში, თუნდაც ეს რიცხვი თავიდან მცირე იყოს.

ქალიან მარტივი იყო ჩემი და ჩემი ოჯახის დარწმუნება იმაში,  
რომ მხოლოდ ერთი შევბულება არ გაგვეტარებინა საქართვე-  
ლოში. შაბათის მოგზაურობისთვის გვიყვარს გომბორის უღელ-  
ტეხილი ვახეთში, ან ბორჯომი-ხარაგაულის ეროვნული პარკი.

ასლა ვგეგმავთ რამ-  
დენიმე სერიოზულ  
ლაშქრობას სეფსუ-  
რეთში. შემდეგი იქნე-  
ბა დასავლეთ საქარ-  
თველო შავი ზღვის ლა-  
მაში სასტუმროებითა  
და გურია-აჭარის გა-  
საოცარი მთიანი რე-  
გიონებით. ჩემს ადფ-  
რთოვანებას ისევ ინ-  
ვეს ადრეული შუა  
საუკუნეების ეკლესია-  
მონასტრები“, – აღ-  
ნიშნა გერმანელმა  
დიპლომატმა.



იხ. 3 გვ.

## ბიძინა ივანიშვილი: კარგად გვანსოვს, როგორ გარბოდნენ ზოგიერთები ბრძოლის ველიდან, ქვეყნიდანაც კი, ეს ის ტრაგედია, რომელიც ჯერაც არ მოუშუშებია ჩვენს ხალხს

ჩვენ ისეთი ხელისუფლებაც გვყოლია, რომელმაც  
თავისი უფუნურებით ისიც კი ვერ მოახერხა, რომ ქვეყ-  
ნისთვის უმძიმესი კრიზისი აეცილებინა, რაც სავსე-  
ბით შესაძლებელი იყო და არათუ დაიცვა მოსახლე-  
ობა განსაცდელისგან, არამედ ბედის ანაბარა მიატოვა  
ხალხი, – ამის შესახებ პარტია „ქართული ოცნების“  
თავმჯდომარემ ბიძინა ივანიშვილმა მაჟორიტარი  
დეპუტატობის კანდიდატების წარდგენისის ლო-  
ნისძიებაზე განაცხადა.


„გვახსოვს, როგორ გარბოდნენ ზოგიერთები  
ბრძოლის ველიდან და ქვეყნიდანაც კი. ეს ის ტრაგე-  
დიაა, რომელიც ჯერაც არ მოუშუშებია ჩვენს ხალხს.

სულ ახალახან, როდესაც კენჭი ეყრებოდა საკონ-  
სტიტუციო ცვლილებებს, მათ უარი თქვეს ამ პრო-  
ცესში მონაწილეობაზე და ამით საკუთარ თავსაც  
კი აჯობეს, ამით კიდევ ერთხელ გამოჩნდა, რომ ეს  
ხალხი უბრალოდ ხავსს ეჭიდება. მათთვის მთავა-  
რია ძალაუფლების ხელში ჩაგდება და რევანში იმ  
რვანლიანი თავისუფლებისთვის, რომელიც ჩვენ,  
ყველამ ერთად მოვიპოვეთ და ქვეყანა დემოკრატი-  
ული განვითარების გზაზე დავაყენეთ. მჯერა, ჩვენს  
ხალხს აქვს სიბრძნე, რომ სწორი დასკვნები გამო-  
იტანოს და ყველაფერს თავისი სახელი დაარქვას“, –  
დასძინა ივანიშვილმა.

ეკოლოგიურ 5  
პრობლემებზე  
სუბარმა მიარო-  
ავტობუსებში  
გაღანასვლა

ჟურნალისტური გამოძიება  
გოქსელ  
ბენჩი თურქი  
7 ოსტაპ  
ბენდერი? (5)

დაუპინყარი  
ამბები  
საქართველოს  
სინა- 9  
სიმაბრეების  
ალყუბიდან



რამდენიმე  
ფინსუქ-  
პოსტი  
რჩეული  
კომენტარებით  
სეაილიკების  
გარეშე

ვანაგა ნახვლიშვილი 6  
დარჩისასლუისა

# ბიძინა ივანიშვილი: კარგად გვანსოვს, როგორ გარბოდნენ ზოგიერთები ბრძოლის ველიდან, ქვეყნიდანაც კი, ეს ის ტრაკიაა, რომელიც ჯერაც არ მოუხუხებია ჩვენს ხალხს



კრიზისმა ყველას დაანახა, რომ ქვეყნის მართვის სადავეები სანდო ხელშია, მიხარია, რომ ცხოვრების ჩვეულ რეჟიმს ასე მალე დავეუბრუნდით. მინდა, დავიწყო მადლობით. მადლობა ეპიდემიოლოგებსა და ექიმებს.

მადლობა „ქართული ოცნების“ გუნდს, რომელმაც თავდაუზოგავად იმუშავა და ქვეყანა დიდ განსაცდელს აარიდა. განსაკუთრებული მადლობა ჩემს ხალხს, რომელმაც მაღალი საზოგადოებრივი კულტურა აჩვენა, ენდო ხელისუფლებას და მის გარშემო გაერთიანდა. წვლილი შევიტანეთ იმაში, რომ საქართველო ვირუსისგან თავისუფალ, მწვანე ზონად მოიხსენიება. კრიზისმა დაანახა ყველას, რომ

ქვეყნის მართვის სადავეები სანდო ხელშია და რომ „ქართული ოცნების“ ხელისუფლება არის ქვეყანაში სიმშვიდის და სტაბილურობის გარანტი, რაციონალური და პრაგმატული პოლიტიკის გამტარებელი“, - აღნიშნა ივანიშვილმა.

მინდა, დარწმუნებით ვთქვა, გუნდს, რომელიც დღეს ხელისუფლებაშია, კვლავაც შეუძლია იტვირთოს და ასწიოს ქვეყნის მართვის პასუხისმგებლობა.

„ხელისუფლებაში ყოფნის განმავლობაში ჩვენმა გუნდმა ქვეყანა ბევრი მიმართულებით წინ წაიყვანა. პროგრესია პრაქტიკულად, ყველა სფეროში. რა თქმა უნდა, არავინაა იმ ილუზიის ტყვეობაში, რომ ყვე-

ლაფერი დალაგდა და პრობლემები არ არსებობს. ბევრია იმისთვის გასაკეთებელი, რომ ქვეყანამ შეუქცევადად გააგრძელოს განვითარება. რყევებით სასვე ეპოქაში საქართველომ ბოლო 8 წლის განმავლობაში შეუქცევადად შეინარჩუნა მშვიდობა, სტაბილურობა და დამსახურებულად ჩაენერა უსაფრთხო ქვეყნების მოწინავე რიგებში. დღევანდელ ცვალებად მსოფლიოში, რა თქმა უნდა, საქართველოც დგება ახალი გამოწვევებისა და საკითხის ახლებურად გააზრების საჭიროების წინაშე, დღევანდელი რეალობა სულ სხვა დღის წესრიგს გვიყენებს. გამოწვევები ბევრია, საშინაო თუ საგარეო, რომელსაც ქვეყანა მზად უნდა დახვდეს“...

## ბიორგმი გახსარია: „ქართული ოცნება“ სამართლიან ბრძოლაში ღირსეულად გაიმარჯვებს

არჩევნებს ჩავატარებთ უმაღლესი დემოკრატიულობის ხარისხით და „ქართული ოცნება“ ღირსეულად გაიმარჯვებს სამართლიან ბრძოლაში. ეს წარმატება ამ ქვეყანას სჭირდება, - ამის შესახებ საქართველოს პრემიერ-მინისტრმა გიორგი გახარია კოჯორში, მაჟორიტარი დეპუტატობის კანდიდატების წარდგენაზე სიტყვით გამოსვლისას განაცხადა.



მისი თქმით, „ქართული ოცნების“ გამარჯვებაში დარწმუნებულია. „ჩვენ ამ კამპანიაში გავემარჯვებთ, ეს გამარჯვება იქნება ქვეყნის წარმატება, რადგან ზუსტად ვიცით, რა გამოწვევების წინაშე დგას დღეს საქართველო, ზუსტად ვიცით, რა გამოწვევებს უნდა ვუპასუხოთ სწრაფად, ეფექტურად და გვაქვს კონკრეტული გეგმა. ჩვენ 2020 წლის არჩევნებზე მივდივართ ახალი, უფრო პროგრესული საარჩევნო სისტემით. ყველას კარგად უნდა გვესმოდეს, რომ პროპორციული საარჩევნო სისტემა იქნებოდა შეუძლებელი, რომ არა 2012 წლის მიღწევა და ამის შემდგომ შენება ყოველდღიურად დემოკრატიული, ევროპული და სამართლიანობის ფასეუ-

ლობებზე დაფუძნებული ქვეყნისა, ეს გახდა შესაძლებელი მხოლოდ ამიტომ. პროპორციული არჩევნები არ უნდა დაგვავიწყდეს, რომ დემოკრატიის მიღწევასთან ერთად, არის ქვეყნის წინაშე უდიდესი პასუხისმგებლობა. ეს არის პასუხისმგებლობა პოლიტიკური პარტიების, მედიის, სამოქალაქო საზოგადოების და მოქალაქეების, ჩვენ, რა თქმა უნდა, ამ არჩევნებს ჩავატარებთ უმაღლესი დემოკრატიულობის ხარისხით და რა თქმა უნდა, „ქართული ოცნება“ ღირსეულად გაიმარჯვებს სამართლიან ბრძოლაში. ეს წარმატება ამ ქვეყანას სჭირდება“, - განაცხადა გიორგი გახარია.

## კახა კალაძე: ჩვენ პარტი პასუხისმგებლიანი პოლიტიკური ძალა!

მივსალმები პარტია „ქართული ოცნება-დემოკრატიული საქართველოს“ თავმჯდომარეს, ბატონ ბიძინა ივანიშვილს, ქვეყნის პრემიერ-მინისტრს, საქართველოს პარლამენტის თავმჯდომარეს, დამსწრე საზოგადოებას, ჩვენი დღევანდელი შეხვედრის მიზნები და მიზანი, მომავალ საპარლამენტო არჩევნებზე „ქართული ოცნების“ ერთიანი გუნდის მაჟორიტარი კანდიდატების წარდგენაა, - ამის შესახებ პარტია „ქართული ოცნების“ გენერალურმა მდივანმა კოჯორში, მაჟორიტარი კანდიდატების წარდგენაზე სიტყვით გამოსვლის დროს განაცხადა.



„ჩვენ გვაქვს მომავლის ხედვა და იმედი. ჩვენ ვიცით, რას ნიშნავს საქართველოს თითოეული მოქალაქისთვის განვითარებული, წარმატებული, თავისუფალი და ერთიანი საქართველო. ჩვენ ყველაფერს ვაკეთებთ და მომავალშიც ყველაფერს გავაკეთებთ ამ მიზნის მისაღწევად“, - განაცხადა კახა კალაძემ.

## დავით სარგაძე: ბოლო პერიოდის ისტორიაში არ მინახავს პოლიტიკური პარტია, რომელმაც ჯანდაცვის პრიორიტეტი ასეთ სიმაღლეზე ასწია, - ამის შესახებ ურნალისტებს „ქართული ოცნების“ საბურთალოს მაჟორიტარობის კანდიდატმა, ჯანდაცვის ყოფილმა მინისტრმა დავით სერგეენკომ განუცხადა. მას ჰკითხეს, რომ იგი იყო წარმატებული მინისტრი, მაგრამ შემდეგ თანამდებობა დატოვა და რატომ სურს ახლა პარლამენტში დაბრუნება?!

სერგეენკოს განცხადებით, საზოგადოებამ უნდა გადაწყვიტოს, რამდენად წარმატებული მინისტრი იყო იგი. „მაშინ ძალიან სერიოზულად დავეინტერესდი და საერთაშორისო ჯანდაცვის მინისტრების პროფესიული სიცოცხლის ხანგრძლივობა 3-4 წელიწადია. სულ ორი გამოჩინების იყო. მე კი 7 წელი გამოვივიდა, რაც საკმარისზე მეტია. ახალი ენერჯია იყო საჭირო მინისტრის პოზიციაზე. პარლამენტარის პოზიცია, რა თქმა უნდა, საპასუხისმგებლოა, თუმცა აქ სპეციფიკაა სხვაგვარი“, - აღნიშნა დავით სერგეენკომ.

კითხვაზე, რატომ პარლამენტი, სერგეენკომ განმარტა: „მიუხედავად იმისა, რომ პარლამენტში პოლიტიკური პარტიები გუნდურობის პრინციპითაა წარმოდგენილი, მე ჩემი კონკრეტული ამოცანა მაქვს. აქ ექიმის ლოგიკაა, რომ მე არასდროს საქართველოს ბოლო პერიოდის ისტორიაში, არ მინახავს პოლიტიკური პარტია, რომელმაც ჯანდაცვის პრიორიტეტი ასეთ სიმაღლეზე ასწია და ამდენი რამის გაკეთება შეძლო. ამიტომ, მე თავს ვალდებულად ვთვლი, ასეთ გუნდს ისევ მხარში ამოვუდგე და ფოკუსირება გავაკეთო სწორედ ამ მიმართულებებზე“.



## „ქართული ოცნების“ მაჟორიტარი დეპუტატობის კანდიდატები

პოლიტიკურმა გაერთიანებამ „ქართული ოცნება - დემოკრატიული საქართველო“ 2020 წლის საპარლამენტო არჩევნების წინასაარჩევნო კამპანია გახსნა და საქართველოს მასშტაბით, მაჟორიტარი დეპუტატობის კანდიდატები ოფიციალურად დაასახელა.

თბილისის მასშტაბით მაჟორიტარი დეპუტატობის კანდიდატები იქნებიან:

- დავით სერგეენკო - საბურთალოს საარჩევნო ოლქი;
- ნოდარ ტურმელიძე - ვაკის საარჩევნო ოლქი;
- ლევან კობიაშვილი - გლდანის საარჩევნო ოლქი;
- სოზარ სუბარი - სამგორის საარჩევნო ოლქი;
- კახი კახიშვილი - ისნის საარჩევნო ოლქი;
- ბექა ოდიშარია - მთაწმინდა-კრწანისის საარჩევნო ოლქი;
- მიხეილ ყაველაშვილი - ნაძალადევის საარჩევნო ოლქი;
- გია ვოლსკი - დიდუბე-ჩუღურეთის საარჩევნო ოლქი.

რაზივონეაში „ქართული ოცნება-დემოკრატიული საქართველოს“ მაჟორიტარი დეპუტატობის კანდიდატები იქნებიან:

- შალვა კერესელიძე - მცხეთა-დუშეთი-თიანეთი-ყაზბეგის საარჩევნო ოლქი;
- ირაკლი ქადაგიშვილი - თელავი-ახმეტა-ყვარელი-ლაგოდეხის საარჩევნო ოლქი;
- დავით სონდულაშვილი - გურჯაანი-საგარეჯო-სიღნაღი-დედოფლისწყაროს საარჩევნო ოლქი;
- ნინო ლაცაბიძე - რუსთავის საარჩევნო ოლქი;
- ზაურ დარგალი - მარნეული-გარდაბნის საარჩევნო ოლქი;
- გოგი მუშველიანი - ბოლნისი-დმანისი-თეთრიწყარო-წალკის საარჩევნო ოლქი;
- გიორგი სოჯევანიშვილი - გორი-კასპის საარჩევნო ოლქი;
- ზაზა დუგლაძე - ხაშური-ქარელის საარჩევნო ოლქი;
- ანტონ ოზოლაშვილი - ახალციხე-ადიგენი-ბორჯომი-ასპინძის საარჩევნო ოლქი;
- სამველ მანუკიანი - ახალქალაქი-ნინოწმინდის საარჩევნო ოლქი;
- ზაზა ლომინაძე - ქუთაისის საარჩევნო ოლქი;
- პაატა კვიციანიძე - საჩხერე-ჭიათურა-ხარაგაულის საარჩევნო ოლქი;
- გივი ჭიჭინაძე - სამტრედიო-წყალტუბო-ვანი-ხონის საარჩევნო ოლქი;
- გოჩა ენუქიძე - ამბროლაური-ონი-ცაგერი-მესტია-ლენტეხის საარჩევნო ოლქი;
- ირაკლი ჩიქოვანი - ზუგდიდის საარჩევნო ოლქი;
- ირაკლი ხახუბია - ფოთი-ზობი-სენაკის საარჩევნო ოლქი;
- ალექსანდრე მონერელია - აბაშა-მარტვილი-წალენჯიხა-ჩხორონწყის საარჩევნო ოლქი;
- ვასილ ჩიგოგიძე - ოზურგეთი-ლანჩხუთი-ჩოხატაურის საარჩევნო ოლქი;
- რესან კონცელიძე - ბათუმის საარჩევნო ოლქი;
- ზაალ მიქელაძე - ქობულეთის საარჩევნო ოლქი;
- ანზორ ბოლქვაძე - ხულო-შუახევი-ქედისა და ხელვაჩაურის საარჩევნო ოლქი.

კანდიდატების წარდგენას წინ უძღოდა საპარლამენტო ეროვნული ჰიმინი „ქართული ოცნების“ პოლიტსაბჭომ სია 19 ივლისს დაამტკიცა. საპარლამენტო საპარლამენტო არჩევნები 31 ოქტომბერს გაიმართება.





(მესამე გვერდიდან)

ენ. შავი სამყაროს წარმომადგენლები იყვნენ, არიან და იქნებიან. სკოლაშია ქურდულ გარჩევებზე საუბარი. სოციალურ ქსელში ვნახე, რომ სკოლის ბანკეტზე მაისურებზე ქურდული სიმბოლოები ახატიათ. თქვენც ხომ გყავთ შვილები და გაუფრთხილდით შვილებს.

— გიორგი, სპორტსმენმა პარლამენტარებმა რა უნდა მოიქმედონ, რათა სპორტსმენების მხრიდან არ იყოს ძალადობის ფაქტები?

— ღიმილის მომგვრელია სიტყვა, რომ პოლიტიკა უნდა გავმიჯნოთ სპორტსგან - ვერ გავმიჯნავთ. პროფესიები, რომლებიც მასობრივია, ვერანაირად ვერ იქნება პოლიტიკის გარეშე. უბრალოდ, როგორც პროფესიონალი თავად უნდა გავმიჯნო, კანონი კი არ უნდა გზღუდავდეს. მაგრამ, ეს ყველაფერი მოდის განათლების ნაკლებობიდან, ინფორმაციის არქონიდან და კიდევ - ორი მეტრის იქით გახედვა რომ არ შეგვიძლია. ორ მეტრზე კი არ უნდა ვიხედებოდეთ, ცოტა შორს უნდა ვიყურებოდეთ, რადგან ხშირად დავინახოთ, რა შეიძლება მოგვიტანოს ჩვენმა ქმედებამ. პარლამენტში არიან ვეტერანი სპორტსმენები, რომლებსაც სიტყვა ეთქმით. მათ შეიძლება კანონპროექტზე არ იმუშაონ, მაგრამ ერთგვარი საინიციატივო ჯგუფი უნდა შექმნან, რომელიც ერთგვარ პრევენციას მოახდენს და საინფორმაციო სახის იქნება. უნდა შეხვდნენ მწვრთნელებს, კლუბების წარმომადგენლებს და მათთან უნდა იყოს ტრენინგები. ფსიქოლოგების ჩართვა უნდა იყოს, ყველა კლუბს უნდა მოეთხოვოს, რომ ფსიქოლოგი ჰყავდეს. ასევე, დიდი ყურადღება უნდა მიექცეს სასწავლო დანესებულებებს და რაც მთავარია -

გიორგი სუხიტაშვილი:

შაქარას ამბავი ტრაგედიაში დასასრული არ იქნება!

ოჯახს. ოჯახია ერთ-ერთი მთავარი ღერძი. ეს სიტუაცია აუცილებლად უნდა გადავხედოთ. თორემ, ეს არის რუტინა, რომელიც არ გატყდება, პირიქით ძალას იკრებს და ვნახეთ, რომ დანაშაულებს შორის დრო შემცირდა. ჩვენს ქვეყანაში სულ არჩევენია, სულ რაღაც დაძაბულობაა და ეს სპორტსმენები ხანსად გამოჩნდებიან და ხანსად. აქედან მინდა ვთხოვო, რომ გავმიჯნოთ პოლიტიკურ პერიპეტიებს. მაქსიმალურად ეცადეთ, რომ დაპირისპირების ეპიცენტრში ნუ მოხვდებით. ჩვენს ქვეყანაში ამისტობა და იმისტობა უნდა დავასრულოთ. ქვეყნისთვის უნდა ვაკეთოთ რაღაცები და არა რომელიმე კონკრეტული გვარებისთვის.

— სამწუხარო სინამდვილეა, რომ ახალგაზრდა ფეხბურთელის სიკვდილში სპორტსმენები არიან გარეულები და ელოდებით, რომ სამაგალითოდ დაისჯებიან?

— სამწუხაროდ, მოლოდინი არ მაქვს კარგი. პირველ რიგში ის, რომ ბიჭი აღარ არის და ამას აღარაფერი ეშვე-

ლებს. ვფიქრობ, ენის მოჩლეკვით ამბავზე ლაპარაკი არასწორი იქნება. თუ ყველა ამბავზე ქუჩაში არ გავდივართ, ეს იმას არ ნიშნავს, რომ ჩვენ ფეხებზე გვედია ან არ გვინტერესებს. არა, ეს ილექება გონებაში და შემდეგ გადაწყვეტილებებში ისახება. გამოძიების მიმართ ნდობა არ მაქვს, მიუხედავად იმისა, რომ მე კანონმორჩილი მოქალაქე ვარ. თუმცა, ასეთ გახმაურებულ საქმეებში, კარგად ჩანს ხოლმე, რომ ვიღაცების ინტერესები იკვეთება და კონკრეტული ადამიანების მფარველობა ჩანს. შემდეგ, გინდა, არ გინდა, ნდობა უკვე ძალიან ნაკლები გაქვს. მე მინდა რომ ნდობა მქონდეს, მე მინდა რომ ეს მოვადლოებული წრე ვინმემ გაჭრას და თქვას, რომ დამნაშავე უნდა დაისაჯოს. ეს სანამ არ მოხდება, სულ ამ წრეზე ვივლით. შაქარას საქმეში, გარდა ჩვენებებისა, ბევრი რამ არის საეჭვო.

შაქარას ამბავი ვერ იქნება დასასრული, სამწუხაროდ. სანამ სპორტსმენები არ დაანებებენ თავს სხვის საქმეში ცხვირის ჩაყოფას და არ დარჩებიან იქ სა-



დაც მათი ადგილია, ეს პრობლემა სულ იარსებებს.

შაქარაზე ძალიან მწყდება გული, რომ ვერ განახორციელა თავისი ოცნებები. მის ოჯახს, კლუბს, თანაგუნდელებს, მეგობრებს ვუთანაგრძნობ. ასეთი რამ არ უნდა ხდებოდეს და ახალგაზრდა ბიჭები ასე არ უნდა იღუპებოდნენ. ვინც დამნაშავეა, უმკაცრესად უნდა დაისაჯოს.



ეკოლოგიურ პრობლემებზე საუბარმა მიკრო-ავტობუსებში გადაინაცვლა

რუსთაველი ეკოაქტივისტების ჯგუფმა - „გავიგუდე“, მოქალაქეებთან ეკოლოგიურ პრობლემებზე სასაუბროდ კომუნიკაციის უწყველი ფორმას მიმართა. აქტივისტები მიკროავტობუსებს ქირაობენ, თბილისიდან რუსთაველსკენ და პირიქით მგზავრები უფასოდ გადაჰყავთ და იმ 40 წუთის განმავლობაში, რაც ორ ქალაქს შორის მანძილის გავლას სჭირდება, მგზავრებს დაბინძურებულ ჰაერზე, მის გამოწვევებზე მიზეზებზე, რუსთაველის გამწვანების აუცილებლობასა და გარემოს დასაცავად მომზადებულ ახალ საკანონმდებლო ინიციატივებზე ელაპარაკებიან. „რადიო თავისუფლება“ ეკოაქტივისტებს დაემგზავრა იმ მიკროავტობუსში, რომელშიც „გავიგუდეს“ ლიდერი, ნიკოლოზ მუსხერიძე, და სამოქალაქო აქტივისტი გივი შანიძე იმყოფებოდნენ. „ერთი წლის განმავლობაში (2020 წელს) პიკის დროს აღირიცხა 77- პროცენტიანი ჰაერის დაბინძურება. რას ნიშნავს ეს ციფრი? ეს ნიშნავს, რომ 36 წლის განმავლობაში ჩვენს ქალაქში 80 დღე იყო ნორმალური ჰაერი.“ ასე უხსნიდა ეკოლოგიურ პრობლემებს „გავიგუდეს“ ლიდერი ნიკოლოზ მუსხერიძე, რუსთაველსკენ მიმავალი თითქ-

მის სავსე მიკროავტობუსის მგზავრებს. ვერ ვიტყვით, რომ ეკოაქტივისტს ყველა მგზავრი გულდასმით უსმენდა, თუმცა უმეტესობა შეკითხვებსაც სვამდა და მეტის გაგება სურდა. მაია თევდორაშვილმა, რომელიც ოჯახთან ერთად მგზავრობდა, ჩასვლის წინ გვითხრა, რომ ასეთი აქციები მნიშვნელოვანია: „ვიკვირის ქუჩაზე ვცხოვრობ. საშინელი სუნია. ჩემი აივნიდან კარგად ჩანს, რა ფერია ჰაერი... ადამიანების ყურამდე უნდა მივიტანოთ ჩვენი სათქმელი“. მეორე მიკროავტობუსში მგზავრებს აქტივისტები გოგა ჯმუხაძე და თიკო მაგედანი ელაპარაკებოდნენ. გოგა ჯმუხაძის თქმით, მათ კომუნიკაციის ასეთი ფორმით სურთ ეკომოდრაობაში რაც შეიძლება მეტი ადამიანი ჩართონ: „გავიგუდეს“ წევრებმა, ზოგმა საერთოდ დაანება სამსახურს თავი და გადაეშვა კანონების შესწავლაში, ზოგმა სამსახურში პროექტები არ აიღო და გაიმესამედა ხელდასი. ადამიანური რესურსიც ამონწურვია. გეჭირდება ადამიანები, მოხალისეები, რომლებიც გვერდში დაგვიდგებიან, კვირაში ერთ ან ორ საათს ეკოაქტივიზმს დაუთმობენ და... კი გამოდის. მოსახლეობაში ცნობიერების ასამაღლებლად წა-



ამირან გამყრელიძე - ძველანაში პეილაგოგია სრულად მართვა

— ამის შესახებ დაავადებთა კონტროლის ცენტრის ხელმძღვანელმა ამირან გამყრელიძემ განაცხადა. მისი თქმით, ზაფხულის პერიოდში საქართველოშიც მსუბუქი და საშუალო სიმძიმის შემთხვევები გაცილებით მეტია, ვიდრე აპრილ-მარტში იყო. „იქნება ხუთი, ათი, თუ 12 შემთხვევა, მთავარია, რომ მდგომარეობა მართვას ექვემდებარება. რაც შეეხება პაციენტების მდგომარეობას, ზოგადად, გლობალურად არა მარტო საქართველოში, კოვიდის სიმძიმე უფრო მცირდება. სიკვდილიანობის პროცენტი შვიდიდან 4.1 პროცენტზე ჩამოვიდა. ამ ზაფხულის პერიოდში შეგვიძლია ვთქვათ, რომ ჩვენთანაც მსუბუქი და საშუალო


მონყებულ კამპანიაში აქტივისტებს „ბილის ფონდი“ ესმარება. რუსთაველი არსებულ საწარმოებს პერიოდული მონიტორინგისთვის საექსპერტო კომპანია „გამა კონსალტინგი“ ჰყავთ დაქირავებული, რომლის ანგარიშები გარემოს დაცვისა და სოფლის მეურნეობის სამინისტროს ეგზავნება. კომპანიის წარმომადგენელ გურამ რიყუაძის ინფორმაციით, „ჯეოსოლში“ ფოლადის ჩამოსხმის ტექნოლოგიური პროცესი მთლიანად დარღვეულია. საჩამოსხმელი საამქროში არსებული ვენტორის სიმძლავრე და გამონაბოლქვის შემკრები ქოლგის მოცულობა არ შეესაბამება ერთმანეთს. (ლუმელში) ჟანგბადის შებერვის დროს, რაც აუცილებელი ტექნოლოგიური პროცესია, საამქროს ყველა კუთხიდან, ყველა ფანჯრიდან, ყველა ნახვრეტიდან ბოლი გამოდის. ეს მოსახლეობისთვის სახიფათოა.“ „გამა კონსალტინგის“ წარმომადგენლის თქმით, უკეთესი მდგომარეობა არც სხვა საწარმოებშია. მაგალითად, რუსთაველის მეტალურგიულ ქარხანაში სუთონიანი წარმადობის არც ერთ ლუმელს ფილტრი არ უყენია. გურამ რიყუაძის ინფორმაციით, ქარხანა ამ ლუმელების დემონტაჟს აპირებს. დავით მჭედლიძე




# გოქსელ გენრი თურქი ოსტაპ გენდერი? (5)

წინა წერილში (იხ. „საქართველოს რესპუბლიკა“, 14.07.2020 №87) კვლავ მომინია, ახალი კითხვებით მიმართა საქართველოს მუნიციპალური განვითარების ფონდის აღმასრულებელი დირექტორისთვის გიორგი შინგაძისაშვილის, რადგან მისი პასუხები (გამოქვეყნებულია მეოთხე წერილში) თავისი არადადამაჯერებლობით, არასერიოზულ შთაბეჭდილებას ტოვებდა. ჩემს კითხვაზე: „მგვ“—მა თუ გადაამოწმა და დაადგინა ყალბი საბუთის წარმოდგენა ტენდერში, და თუ დაადგინა, მიმართა თუ არა სამართალდამცავ ორგანოებს სისხლის სამართლის დანაშაულის ნიშნების გამო, და რა ფორმით-მეთქი; ბატონი შინგაძე მიაპასუხებს: ...მოცემულ ტენდერში (2016 წლის 03 თებერვალი. აშშ.) მონაწილე პირის (გოქსელ გენრი. აშშ.) დისკვალიფიკაცია მოხდა ტენდერის შეფასების საწყის ეტაპზე; ანუ გადააქვევთ, ეს ვიკმარეთ, არ ჩავედიეთ, მოკლედ, ეს ჩვენი საქმე არ იყო. ამით ბატონმა გიორგიმ ცხადია, თავისი წინამორბედის, სულ ცოტა, სამსახურებრივი გულგრილობა დაეფარა. არადა, კანონის მიხედვით, „მგვ“—ის 2016 წლის ფაქტობრივი მმართველი ჯუანშერ ბურჭულაძე ვალდებული იყო, მიემართა სამართალდამცავი ორგანოებისთვის, რადგან აშკარა იყო, რომ კომპანია „ბინა ინვესტი“—ს მფლობელმა გოქსელმა გენრიმ სატენდერო კომისიისთვის წარდგინებულ დოკუმენტაციას არაერთი ყალბი საბუთი „შეაპარა“, მაგალითად, არაფულვანაშვილის კვების (ერაყის) არარსებული ბანკის „რეპლიკა“—ს საგარანტიო წერილი. ეს ბანკი რომ სიყალბეა, დაგვიდასტურა საქართველოს საგარეო საქმეთა სამინისტრომ წერილში (№01/ 18533), დათარიღებულ 2020 წლის 15 ივლისით, რისთვისაც პირადად მადლობას ვუხდით არა მხოლოდ ჩვენი ქვეყნის საგარეო უწყებას, არამედ ერაყის კონსულსაც საქართველოში.

კარგით, ბატონო, დავუჯეროთ „მგვ“—ის ახლანდელ ხელმძღვანელს, რომ საწყის ეტაპზე დისკვალიფიკირებულ „გენრი ინვესტი“ ბოლომდე „სულში არ ჩაუქონენ“ და სამშვიდობოზე გაუშვეს. მაგრამ, სადაა სახელმწიფოებრივი აზროვნება? ასეთ თაღლითურ, თანაც უცხოურ ენ. კომპანიებზე არათუ სახელმწიფო მოხელე, უბრალო მოქალაქეც კი, რომელსაც აქვს მოქალაქეობრივი თვითშეგნება ვალდებულია, ინფორმაცია მიანდინოს სახელმწიფო უშიშროებას. ბატონმა ბურჭულაძემ „არ“ ან „ვერ“ გამოიჩინა სიფხიზლე, პირიქით, აპყვა საექვო რეპუტაციის მქონე გოქსელ გენრის ნაამბობს და 2017 წლის 05 იანვარს საჩივრით მიმართა მაშინ მთავარ, ახლა კი გენერალურ პროკურატურას... აქ შემომყავს ჩემი ჟურნალისტური გამოძიების ახალი მოქმედი პირი, საზოგადოებისთვის კარგად ცნობილი ადამიანი ნოდარ ჯავახიშვილი. მკითხველს გავუხველ, რომ ბატონი ბურჭულაძე ბატონი ნოდარის კადრია, რაც თავად ჯუანშერ ბურჭულაძემ დაადასტურა ირაკლი კერესელიძის სასამართლო სხდომაზე. როცა მან კერესელიძის ადვოკატის კითხვაზე: ვინ დაგნიშნათ მაგ თანამდებობაზეო, გასცა პასუხი: ნოდარ ჯავახიშვილიაო. შეგახსენებთ, რომ მუნიციპალური განვითარების ფონდი ერთ-ერთი მაღალი პასუხისმგებლობის რგოლია საქართველოს ინფრასტრუქტურის და რეგიონალური განვითარების სამინისტროსი. იმ დროს კი (2016-ში), ამ სამინისტროს თავკაცობდა ნოდარ ჯავახიშვილი. თავის მხრივ, ბატონი ნოდარი ხელმძღვანელის იმ ტიპს განეკუთვნება, რომლის „სამფლობელოში“ მისი ბრძანების გაუცემლად „ხეზე ფოთლებიც არ შრიალენ“... ამიტომ, უბრალოდ, შეუძლებელია იმის დაჯერება, რომ ბატონმა ჯუანშერ ბურჭულაძემ 2017 წლის 05 იანვარს მთა-



ყოველთვის უაღრესად საჭირო და მეტად სასარგებლო თვისება... მადლობა ღმერთს, თურმე გვეოლია სახელმწიფოდ მოაზროვნე მოხელეებიც! საავტომობილო გზების დეპარტამენტი, ისევე როგორც „მგვ“—ი საქართველოს ინფრასტრუქტურის და რეგიონალური განვითარების სამინისტროს ერთ-ერთი მაღალი პასუხისმგებლობის რგოლია. მაგრამ, „მგვ“—სგან განსხვავებით, იქ პასუხისმგებლობით ეკიდებიან საკუთარ მოვალეობებს. ჩვენმა საგამოძიებო ჯგუფის წევრმა მიმართა კითხვებით ამ დეპარტამენტს და პასუხად მივიღეთ წერილი, რომელშიც გვატყობინებენ, რომ კომპანია „გენრი ინვესტი“—ი 4 (ოთხ) ტენდერში არაკეთილსინდისიერი ქმედების გამო, დისკვალიფიკირებულ იქნა. თუმცა, საავტომობილო გზების დეპარტამენტმა ესეც არ აკმარა ბატონ გოქსელ გენრის „რქებს და ჩლიქებს“, ბოდიში, „გენრი ინ-



ვარ პროკურატურას მიმართა ნოდარ ჯავახიშვილისგან უნებართვოდ; სახსებით დასაშვებია, მისი (ჯავახიშვილის) მითითებით... რა მიზნით? არ ვიცი. დანამდვილებით ვიცი, რომ უწინ, დიდი ხნის წინ ბატონები ჯავახიშვილი და კერესელიძე საპყრობელში ერთ საკანს იყოფდნენ. თუმცა, თუ ბატონ ნოდარს ექნება დრო და სურვილი, ნათელი მოჰფინოს ამ ჩახლართულ ისტორიას, მზად ვარ, ჩავწერო მასთან ვრცელი ინტერვიუ. ვფიქრობ, დროა, დავუბრუნო დედა ვისაუბროთ სახელმწიფო აზროვნების ქონის აუცილებლობაზე. როგორც უკვე დავადასტურეთ, 2016 წლის 30 დეკემბერს „არ“ ან „ვერ“ გამოავლინა ეს ყველაფერი და

**P.S.** სულ ახლახან მომანოდეს ინფორმაცია, რომ საერთაშორისო (სავარაუდო) თაღლითმა - გოქსელ გენრმა და მისმა „რქებმა და ჩლიქებმა“ („გენრი ინვესტი“) მიიღო მონაწილეობა „საქართველოს ნავთობის და კორპორაციის“ მიერ 2019 წლის 14 ივლისს გამოცხადებულ ტენდერში და NAT190011770 და 2019 წლის 18 ივლისს...მასში გაიმარჯვა!... მაგრამ ხელშეკრულების დადებამდე ცნობილი გახდა საავტომობილო გზების დეპარტამენტის მიმართვა სახელმწიფო შესყიდვის სააგენტოსადმი და გოქსელ გენრის გამარჯვება გაუქმდა. ერთი საყურადღებო დეტალი — „ნავთობის და გაზის კორპორაციის სამეთვალყურეო საბჭოს წევრია ომარ ქუცნაშვილი, რომელსაც, შესაძლოა, „გენრი ინვესტი“—თან და მის მუხატრონესთან სხვადასხვა საქმიანი მიზანი გააჩნია. შეგახსენებთ, რომ ბატონი ომარი პარლამენტის ყოფილი წევრის ზაქარია ქუცნაშვილის, არც მეტი და არც ნაკლები, მამაა. ბატონ ომარს სამშენებლო სფეროში არაერთი ტენდერი აქვს მოგებული. დასკვნები მკითხველისთვის მიგვინდვია.

## სამხედრო სწავლება „სი ბრიზ 2020“ შპს ზღვაში

შპს ზღვაში სამხედრო სწავლება „სი ბრიზ 2020? დაიწყო, რომელშიც ქართველი სამხედროებიც მონაწილეობენ. ამის შესახებ ინფორმაციას აშშ-ის საზღვაო სამხედრო ძალების წარმომადგენლები ავრცელებენ. მანევრები ოდესის სიხალისე გუშინ დაიწყო. 19 ივლისს კი, შპს ზღვაში ამერიკელი სამხედრო ხომალდი USS Porter შევიდა. როგორც აშშ-ის საზღვაო სამხედრო ძალების მეექვსე ფლოტის წარმომადგენლები აცხადებენ,



წვრთნების მიზანი რეგიონული უსაფრთხოების გაძლიერებაა. „ჩვენი მონაწილეობა ისეთ მრავალეროვნულ სწავლებებში, როგორცაა „სი ბრიზ 2020“ არის რეალური დემონსტრაცია, რომ აშშ ევროპის კოლექტიურ თავდაცვაში ჩართულია“, — განაცხადეს მეექვსე ფლოტში. საზღვაო მანევრებში ჩაერთვება 27 საბრძოლო ხომალდი, 19 თვითმფრინავი და 2000 სამხედრო მოსამსახურე უკრაინიდან, საქართველოდან და ნატოს წევრი შვიდი ქვეყნიდან: აშშ, ბულგარეთი, თურქეთი, რუმინეთი, საფრანგეთი, ესპანეთი და ნორვეგია.

## ახმატის მუნიციპალიტეტში 25 მზის ელექტროსადგური დაიწყო მუშაობა

ახმატის მუნიციპალიტეტის მაღალმთიან დასახლებებში 25 მზის ელექტროსადგური დაიწყო მუშაობა, აქედან 12, თუშეთში მუდმივად მცხოვრებ მოსახლეობას გადაეცა. მზის ელექტროსადგურის სიმძლავრე 1500 ვატიტ განისაზღვრა, რაც საკმარისია ერთდროულად რამდენიმე მოწყობილობის, სახლის განათების, ტელევი-



ზორის, მაცივრისა და სხვა საყოფაცხოვრებო ტექნიკის ჩასართავად. პროექტი განხორციელდა საქართველოს რეგიონული განვითარებისა და ინფრასტრუქტურის სამინისტროს, ადგილობრივი ხელისუფლების ჩართულობით და აშშ-ის საერთაშორისო განვითარების სააგენტოს ენერჯეტიკის პროგრამა (USAID/Energy Program) ტექნიკური დახმარების ფარგლებში.







ლეგიონერი

შენგელიას ბენეფიცი

ლევან შენგელიას სუპერმატჩი თურქეთის სუპერლიგაში: გადაუჭარბებლად, მართლაც ასე იყო. XXXII ტურში „ქონიასფორი“ „ტრაბზონსფორს“ ესტუმრა და დრამატულ ბრძოლაში 4:3 სძლია.

ეს არ მოხდებოდა, რომ არა ლევან შენგელია, რომელიც სათადარიგოთა სკამზე იყო და თამაშში ტრავმირებული თანაგუნდელის ნაცვლად 39-ე წუთიდან ჩაერთო. „ტრაბზონსფორს“ დაგეგმილ გამარჯვებამდე მატჩი მშვიდად მიჰყავდა და 81-ე წუთზე მასპინძლები 3:1-ს იგებდნენ.

თუმცა, მერე შენგელიას 11-წუთიანი ბენეფიცი ვიხილეთ! ქართველმა ჯერ იყო და, საჯარიმო დარტყმა უღამაზესად, ფანტასტიკურად შეასრულა, გავიდა 7 წუთი და პენალტი მოიპოვა, რომელიც მისმა თანაგუნდელმა სკუბიჩმა ზუსტად შეასრულა, ხოლო მსაჯის მიერ კომპენსირებულ მეორე წუთზე საგოლე პასიც შეასრულა. ისევ მოხდენილად, ლამაზად და ტურამს ისლა დარჩენოდა, გამარჯვების გოლი გაიტანა.

დიდებულია - 11 წუთში უღამაზესი გოლი, გამომუშავებული პენალტი და გადაწყვეტი საგოლე პასი. შედეგად, „ქონიასფორმა“ 36 ქულას მოუყარა თავი და თურქეთის ჩემპიონატის უმაღლეს ლიგაში ადგილი შეინარჩუნა. თავის მხრივ „ტრაბზონსფორმა“ ჩემპიონობა ვერ მოახერხა და თურქეთის 2019-2020 წლების სეზონის ჩემპიონი სტამბოლის „ბაშაქშეჰირი“ გახდა.



აქვე გეტყვით, რომ ლევან შენგელიამ „ქონიასფორის“ რიგებში მიმდინარე სეზონში ჩატარებულ 22 თამაშში 2 ბურთის გატანა მოახერხა.

გიორგი შოთაძე

სპორტი

პირველი მარცხი

ივლისის ბაშოს მეორე საშეჯიბრო დღეს მარცხი განიცადა ლევან გორგაძემ. ქართველი სუმოსტი მე-10 მარცხი კაისეის დაუპირისპირდა და შეხვედრა იორიკირის ილეთით დათმო.

ორთაბრძოლა ტოჩიმ აქტიურად დაიწყო და რიგ მომენტებში მეტოქის დამარცხებაც შეეძლო, თუმცა, საბოლოოდ ბრაზილიელმა მავაში ორივე ხელის ჩაღებვა მოახერხა და ჩვენებური დოჰიოს მიღმა გადაიყვანა.

ეს აღნიშნული წყვილის მე-20 დაპირისპირება იყო, საიდანაც ტოჩინომის 12 შეხვედრა თავის სასარგებლოდ ჰქონდა დასრულებული, გუმინ კი მე-8 მარცხი იგება.

ლევანს მიმდინარე ბაშოზე 1 მოგების წილ 1 მარცხი აქვს და იმისთვის, რომ რეიტინგში დანიშნულდეს, დარჩენილ შეხვედრებში დადებითი ბალანსის განაღდება და მინიმუმ 7 ორთაბრძოლის მოგება მართებს. მისი მომდევნო მეტოქე დასავლეთის მე-10 მარცხი მარცხი მოგება-წაგების ბალანსი 12:13-ზე აქვს.

კობა კობახიძე



რეპორტი

კორნაპირუსმა, ჭაბუკ ფეხბურთელ გიორგი შაქარაშვილის ტრაგიკულმა აღსასრულმა და წინასწარჩენო ციებ-ცხელებამ მეორე პლანზე გადასწია ღირსშესანიშნაობები.

თარიღს გახსენება უხდება

წინ: ალექსანდრე ანბილოგოვი (ხელბურთი, „ვერცხლი“), ნიკოლოზ დერიუგინი (კალათბურთი, „ბრინჯაო“), ალექსანდრე ჩივაძე, თენგიზ სულაქველიძე, რე-



ნავი თარიღები. გულშემატკივართა ინტერესის გათვალისწინებით, რამდენიმე მათგანს დღეს გავისხენებთ.

მოსკოვის ოლიმპიადა (1980). საბჭოთა ჯარების ავლანეთში შეჭრას დასავლეთის ბოიკოტი მოჰყვა, რამაც საგრძნობლად გააფერმკრთალა XXII თამაშების სპორტული მხარე, თუმცა, ეს გარემოება ოდნავადაც არ აკნინებს მის ტრიუმფატორთა მიღწევის მნიშვნელობას.

სამაყაა, რომ რუსეთის დედაქალაქში სამმა ქართველმა ააბიჯა საპატიო კვარცხლბეკის უმაღლეს საფეხურზე, მაგრამ დანაწევრებით ისიც სათქმელია, რომ სულ მცირე ამდენიმე ჩვენი თანამემამულე ასეთივე ნადავლს იმსახურებდა...

განსაკუთრებით აღსანიშნავია ქუთაისელ მშვილდოსან ქეთევან ლოსაბერიძის მიერ ცეცხლის ხაზზე გამოჩენილი ნებისყოფა და ფსიქოლოგიური სიმტკიცე, რომელსაც მონრეალის ოლიმპიადაზე მცირედი დააკლდა საპრიზო სამეულამდე (IV ადგილი) და მოსკოვში გამართული თამაშები მისთვის მედლის მოპოვების უკანასკნელი შანსი გახლდათ. დავკენთ, რომ მან უმძაფრეს კონკურენციაში აჯობა ფავორიტად მიჩნეულ თანაგუნდელ ნატალია ბუტუზოვას.


ღირსეულად დაიპყრო ოლიმპიური მწვერვალი „კლასიკოსმა“ ვახტანგ ბლაგიძემაც. ლანჩხუთელმა ფალავანმა ტიტულის ტოლფასი გამარჯვება შესარჩევ ბრძოლებში მოიხვეჭა, როცა თავისი წონის ლიდერი ჟაკსალიკ უშკემპიროვი დაჯაბნა, მოსკოვურ ხალიჩაზე კი ისეთი ცეცხლი დაანთო, მისი ჩამქრობი არავინ აღმოჩნდა.

რაც შეეხება ქარელელ ძიუდოისტ შოთა საბარელს, მას თამამად შეუძლია თქვას: „მივედი, ვნახე, გავიმარჯვე“. მართალია, მას მხოლოდ სამჯერ მოუწია ტატიამზე გამოსვლა, მაგრამ ეს მისი პრობლემა არ ყოფილა - საუკეთესოთა

შორის საუკეთესო ღირსეულად დაეუფლა „ოქროს“.

ვისაც მოსკოვური ბატალიები ახსოვს, დამეთანხმება, რომ მეოთხე წოდების სადარი გახლდათ ლეგენდარული სამხტომელის ვიქტორ სანევის „ვერცხლი“, რომელსაც ქარიან ამინდში მსაჯებმა რამდენიმე ძვირფასი სანტიმეტრი „მოპარეს“.

ქართველ ქომავს დღემდე ვერ მოუწელებია სა-



ხელოვანი ძიუდოისტის, ორგზის ოსოფლიო ჩემპიონ თემურ ხუბულურის მხოლოდ ფინალისტობა, რომელმაც კარიერის მთავარი ბრძოლა ბელგიელ პრინციპულ მეტოქე რობერ ვან დე ვალესთან დათმო.

ოლიმპიადამდე სავსებით საფუძვლიანად გამოიყურებოდა ჩვენი სათამაშო სახეობათა წარმომადგენლების საჩემპიონო ამბიციები, მაგრამ მიზეზთა გამო ისინი ოდენ საპრიზო ადგილებს დასჯერდ-

ვაზ ჩელებაძე (ფეხბურთი, „ბრინჯაო“). დავკენთ, რომ საიდა გუმბა შუბის ტყორცნაში ვიცე-ჩემპიონი გახდა, ხოლო ლიანა ცოტაძე წყალში ხტომაში - ბრინჯაოს პრიზიორი.

მექსიკის მსოფლიოს ჩემპიონატი (1970). ბედი ჰქონია ატლეტების ქვეყანას - იქ ნახევარი საუკუნის წინათ პელები და კამპანიამ გაიბრწყინა, ხოლო 1986 წელს - მარადონამ.

ფეხბურთის სამყაროში დღემდე ვერ შეთანხმებულან, რომელია სპორტის ყველაზე მოუღარულ სახეობაში ყველა დროის საუკეთესო გუნდი - ბრაზილია - 70 თუ მადრიდის „რეალი“ - 60-იანები.

სხვათა შორის, ისიც მსმენია, მაშინდელ ბრაზილიასა და მის ვარსკვლავებს (პელე, ტოსტაო, გერსონი, ჟაირზინიო, რიველინო, კლოდოალდო, ვალდომირო, კარლოს ალბერტო) მწვრთნელი არც სჭირდებოდაო.

მექსიკურ მუნდიალს უკავშირდება გერმანია - იტალიის დაუფინყარი ნახევარფინალიც, რომელიც „სკუადრა ატურამ“ 4:3 მოიგო.

და კიდევ: ასევე 1970 წელს ჩვენი ოჯახი საცხოვრებლად ვაჟა-ფშაველას პროსპექტის III კვარტლის მე-17 კორპუსში გადავიდა, სადაც სპორტის მოყვარულთა მთელი არმია დაგვხვდა: ომარ ფირცხალიშვილი, გოგი გურიელი, გუგული შოთაძე, მამუკა ბარკაღაია, გიორგი გორგოძე, შოთა ლლონტი, ოთარ ოდიშელიძე, დათო შერგელაშვილი, უჩა სიხარულიძე, ვახტანგ და ბუჭუ დონაძეები, პროკოფი და ზურაბ თურნაველი, თემო ნემსინვერიძე, გოგი დევდარიანი, ზალიკო ჩხეიძე, კოტე ჩაჩავა, ოთარ დუტიძე, ბაჩო, ზურაბ და თემო მაისაშვილები, ჯუმბერ აბესაძე, ნიკოლოზ ტარიელაშვილი, გიორგი იაგორაშვილი, ცოლაკ ღარიბიანი, არტუშ მურადიანი...

ნათელი და სანთელი მათ ხსოვნას! გია პლატონიშვილი



# სასიამო სიასლა

პოეზიის ანთოლოგია, რომელიც „მერანმა“ 2020 წელს გამოუშვა, იმით გამოირჩევა, რომ აქ წარმოდგენილია ავტორთა თითო საუკეთესო ლექსი. ამიტომ კონტაქტად აკინძულ-გაფორმებული ორტომეული ბევრ შემოქმედს იტყვს. პროექტის ავტორია მამუკა ბონაშვილი; რედაქტორ-შემდგენელი შრომატევადი საქმე ზაზა ზოტაშვილი უტვირთავს; მასვე დაუწერია სხარტი წინასიტყვა. მხატვარია ბიორბი წერეთელი.

საგულისხმოა, რომ I წიგნი მოიცავს გარდაცვლილ ოსტატთა ნააზრევს – ეს არის ხალხური პოეზია, V-XVIII საუკუნეთა შედევრები, XIX საუკუნის ქმნილებანი, XX ასწლეულის მოაზროვნეთა დაუვიწყარი ხელეწიურები; II წიგნი დღეს მოქმედ ოსტატებს ეკუთვნის. საინტერესო პროექტი განხორციელდა განათლების, მეც-

ნიერების, კულტურისა და სპორტის სამინისტროს ხელშეწყობით. დიდი მადლობა მას! დასანანია, რომ პირველ კრებულში არ ჩანს ორი გენი-ალური ქმნილება: ივანე ნიკლა-

ურის „რამ დამაბერა“ და ზაზა თვარაძის „შემხვედა მეგობარი“, ასევე გამორჩენილია დარეჯან ბატიაშვილის „მამის ვენახი“, ხოლო მეორე ტომში არ იხილვის სევარიონ ნადირაძე.

ვულოცავთ ქ-ნ მამუკა ბონაშვილსა და ბატონ ზაზა ზოტაშვილს ამ შესანიშნავი საქმის აღსრულებას.

გურამ ნიკლაური



## ნარში

# გიორგაფიული რომანი ფირდოუსიზე

მეათე საუკუნის დიდი ირანელი პოეტის ფირდოუსის „შაჰ-ნამეს“ („მეფეთა წიგნი“) გმირებს ქართველები ჯერ კიდევ მანამ იცნობდნენ, სანამ ფირდოუსი შექმნიდა თავის უკვდავ პოემას; იცნობდნენ მას ფალაური პირველყაროდან „ხვატაინამაქ“ („მეფეთა წიგნი“).

ფირდოუსის ქმნილებას კი თარგმანისა და მიბაძვა-გადაკეთების გზით ჯერ – XII და შემდეგ XVI-XVIII საუკუნეებში გაეცნენ ჩვენი წინაპრები და ისე შეისისხლხორცეს იგი, რომ მისი გმირების სახელები, მაგალითად: როსტომი, ზურაბი, თეიმურაზი, თამაზი, გივი, გოდერძი, მანუჩარი, ლუარსაბი, უშნაგი... ქართულ ეროვნულ სახელებად იქცა.

მეოცე საუკუნიდან „შაჰ-ნამეს“ გარკვეული თავების თარგმანები ეკუთვნის მაგალი თოდუასა და ალექსანდრე ელერდაშვილს, ხოლო მთლიანი – ბელა შალვაშვილს (ერთადერთი შემთხვევაა, რომ ეს 120 ათას ტაეპიანი უზარმაზარი პოემა ერთ კაცს ეთარგმნოს მთლიანად, რაც გირობის ტოლფასია).

ფირდოუსის შესახებ ბევრი რამ არ შემოუნახავს ისტორიას, მაგრამ, რაც შემოუნახავს, დაინტერესებული პირისთვის ყველა ხელმისაწვდომია.

ასეთი დაინტერესებული პირი აღმოჩნდა ცნობილი ქართველოლოგი, რუსთველის მკვლევარი, პროფესორი მურმან თავდიშვილი.

რუსთველი შემთხვევით არ წამოიშვიტა, სწორედ რუსთველი იყო იგი სპარსული პოეზიის სამყარომდე და შეაქმნევინა ორი მეტად საინტერესო სამეცნიერო ხასიათის წიგნი: „ფირდოუსი და რუსთველი“ (2009) და „ნიზამი



და რუსთველი“ (2011), რომლებიც რუსთველოლოგიის შენაძენად შეიძლება ჩაითვალოს.

საბოლოოდ კი მურმან თავდიშვილი ფირდოუსის შესახებ მხოლოდ მეცნიერულ კვლევას არ დასჯერებია და ბიოგრაფიულ მონაცემებსა და თავის წარმოსახვაზე დაყრდნობით, ნამდვილი და გამოგონილი გმირებით, მხატვრულად გაუცოცხლებია ამ დიდი პოეტის სახე და ის გარემო, სადაც ცხოვრობდა და მოღვაწეობდა იგი.

ქართული წიგნის თაროს შეემატა კიდევ ერთი საინტერესო ბიოგრაფიული რომანი.

მაშ, ასე, ფირდოუსის ცხოვრებისა და მოღვაწეობის გაცნობასთან ერთად გეძლევათ საშუალება, იმოგზაუროთ ფირდოუსის დროინდელი ირანში, გაეცნოთ სამეფო კარისა თუ უბრალო ხალხის ცხოვრებას, დაესწროთ მეხოტბეთა მუშაობებსა თუ სხვა ღონისძიებებს, გაიგოთ მრავალი საინტერესო რამ ირანისა თუ, საერთოდ, აღმოსავლეთის ხალხთა შესახებ.

კარგი იქნება, წიგნი თუ ითარგმნება სპარსულად, რადგან დარწმუნებული ვარ: ირანელი მკითხველი დიდი სიამოვნებით მიიღებს მას, მით უმეტეს, რომ ეს მოულოდნელი და უპრეცედენტო საჩუქარი იქნება მისთვის უცხოელისგან.

აქვე აღვნიშნავთ, რომ სპარსულად არსებობს მორთაზა საფარის ბიოგრაფიული ნაშრომი ფირდოუსიზე – „რომანი „შაჰ-ამესი“ (2012 წ.), რომელიც, განსხვავებით მურმან თავდიშვილის ევროპული ყაიდის ბიოგრაფიული რომანისგან, ძირითადად, პოემის ამბებზეა აგებული.

ნოზალი ბართაია, პროფესორი

## სანთელი

საქართველოს მეცნიერებათა ეროვნული აკადემია და მათემატიკისა და ფიზიკის განყოფილება სამიძიარს უცხადებენ აკადემიკოს ნოდარ ბერიკაშვილს ქალიშვილის

# თა ბერიკაშვილის

გარდაცვალების გამო.

აფხაზეთის ავტონომიური რესპუბლიკის მთავრობა და აფხაზეთის ავტონომიური რესპუბლიკის უმაღლესი საბჭო იუწყებიან, რომ გარდაიცვალა აფხაზეთიდან დევნილი ღვან-ლმოსილი პიროვნება, აფხაზეთში საქართველოს ტერიტორიული მთლიანობისათვის წარმოებული ბრძოლების აქტიური მონაწილე, ომისა და სამხედრო ძალების ვეტერანი, საქართველოს პარლამენტის ტერიტორიული მთლიანობის აღდგენისა და დეოკუპაციის საკითხთა დროებითი კომისიის სპეციალისტი, ღირსების ორდენის კავალერი

# თეიმურაზ ჭახრაკია

და სამიძიარს უცხადებენ განსვენებულის ოჯახს.

ზაზა ჯოხაძე, ნინო გაბრიჩიძე, მარიამ და ელენე ჯოხაძეები იუწყებიან, რომ გარდაიცვალა უდიდესი ინტელექტისა და კულტურის მქონე, ბორჯომის რაიონის საპატიო მოქალაქე, ღირსების ორდენოსანი, დამსახურებული ინჟინერი და ღვან-ლმოსილი ნოტარიუსი, შესანიშნავი და საყვარელი დედა და ბებია



# თამარ (თალიკო) ჩორბოლაშვილი

# თბილისში ქალი მე-15 სართულიდან გადახარდა

თბილისში, ვაკე-საბურთალოს რაიონში, იოსელიანის ქუჩაზე მდებარე ერთ-ერთი კორპუსის მე-15 სართულიდან შუახნის ქალი გადმოვარდა და ადგილზე გარდაიცვალა.

როგორც „იმედინუსს“ შინაგან საქმეთა სამინისტროში განუცხადეს, შემთხვევა დღეს დილით მოხდა.

# ზურაბ ზვიადური გადაარჩა!..

ოლიმპიური ჩემპიონის და ვეტერანი ძიუდოსტის, ზურაბ ზვიადურის ჯანმრთელობის მდგომარეობა დამაკმაყოფილებელია.



ზურაბ ზვიადური და მისი მეგობარი ახმეტის რაიონული საავადმყოფოდან უკვე განერეს. ორივე მათგანს ცივი იარაღით ჭრილობები გულმკერდის არეში გაუშინ, გვიან ღამით მიაყენეს.

დაპირისპირების მიზეზად ყოფილ დეპუტატსა და გიორგი ქისტაურს შორის წარსულში მომხდარი კონფლიქტი სახელდება, რა დროსაც საპარლამენტო არჩევნებიდან რამდენიმე თვეში ქისტაურმა სპორტსმენის საცხოვრებელ სახლს ცეცხლსასროლი იარაღიდან რამდენჯერმე ესროლა. მაშინ შემთხვევის შედეგად არავინ დაშავებულა, თუმცა ახალგაზრდა კაცი პოლიციამ მალევე დააკავა და პასუხისგებაში მისცა.

მომხდარზე გამოძიება საქართველოს სისხლის სამართლის კოდექსის 117-ე მუხლით დაიწყო, რაც ჯანმრთელობის განზრახ მძიმე დაზიანებას გულისხმობს.

2020 წლის 6 თვეში საქსპორტო პროდუქციის ინსპექტირება განხორციელდა ღვინისა და ალკოჰოლური სასმელების მწარმოებელ 175 კომპანიაში. სულ აღებული იყო 427 ნიმუში, სერტიფიკატის მიღებაზე უარი ეთქვა 13 კომპანიას, - ინფორმაციას გარემოს დაცვისა და სოფლის მეურნეობის სამინისტრო ავრცელებს.

საქსპორტო ალკოჰოლური სასმელების ორგანოლექტიკური ტესტირების მიზნით, ღვი-

# ალკოჰოლური სასმელების სერტიფიკატის მიღებაზე

ნის ეროვნული სააგენტოს სახელმწიფო სადგურსტაციო კომისიაში ჩატარდა 118 დეგუსტაცია. სულ წარმოდგენილი იყო 4 131 ნიმუში, მათგან უარყოფითად მხოლოდ 202 შეფასდა.

ადგილობრივ და საერთაშორისო ბაზრებზე ღვინისა და ალკოჰოლიანი სასმელების

კონკურენტუნარიანი პროდუქციის მინოდების უზრუნველყოფად, ერთ-ერთი მთავარი მიმართულება ხარისხის მუდმივი კონტროლია. შესაძლო ფალსიფიცირების გამოსავლენად, 2020 წლის დასაწყისში, ღვინისა და სპირტიანი სასმელების წარმოების ტექნიკურ რეგლა-

# 13 კომპანიას უარი ეთქვა

მენტებში მნიშვნელოვანი ცვლილებები შევიდა. ცვლილებების თანახმად, ღვინო და ალკოჰოლიანი სასმელები ნახშირბადის სტაბილური იზოტოპის თანაფარდობაზე შემოწმდება, რაც განსაზღვრავს, პროდუქცია არის თუ არა ყურძნისეული წარმოშობის.



დაბა კოჯორში, ცენტრალური პარკის მიმდებარე ტერიტორიაზე სპორტულ-გასართობი ღონისძიება „ექსტრემ(რ)ალი“ გაიმართა, რომელიც ა(ა)იპ „შენთვის, ანუ ყველასთვის“ ინიციატივითა და თბილისის მუნიციპალიტეტის მერიის მხარდაჭერით განხორციელდა.

აღნიშნული აქტივობა მიზნად ექსტრემალური სპორტის, ტურიზმის განვითარების მიმართულებით ოფორუდის პოპულარიზაციასა და ახალგაზრდებში სპორტულ-გამაჯანსაღებელი ცხოვრების მიმართ მოტივაციის ამაღლებას ისახავდა.

ღონისძიების ფარგლებში, დაბა კოჯორში, სპორტსმენებისა და ახალგაზრდების ჩართულობით, კვადროციკლებით შეჯიბრი გაიმართა, რომლის ფარგლებშიც 15 მონაწილე ერთმანეთს სწრაფ რბოლაში

## სპორტულ-გასართობი ღონისძიება „ექსტრემ(რ)ალი“ კოჯორში



ეჯიბრებოდა. რაღს ეროვნული ნაკრების მწვრთნელი კრივში სპარტაკ ლაზარაშვილი და ცნობილი სპორტული კომენტატორი დავით ფრანგიშვილი ხელმძღვანელობდნენ. საღამოს წამყვანი, გიორგი მეგრელიშვილი კი მონვეულ და ადგილობრივ სტუმრებთან ერთად შეჯიბრს ცენტრალურ პარკში პირდაპირი ტრანსლაციით, ლედ ეკრანის საშუალებით გულშემატკივრობდა.

ექსტრემალურ შეჯიბრში, გამარჯვებული გამოვლინდა, რომელსაც საჩუქრად სიგელები და ფულადი ჯილდო გადაეცა. პირველ ადგილზე ლუკა ქოროლიშვილი და მოხალისე დიტო შონია გავიდნენ. ღონისძიების დასასრულ, დამსწრე საზოგადოებას DJ სანიმ და მოტოსპორტის მოყვარულებმა შთამბეჭდავი შოუ წარუდგინეს.

## 100-კასიანი

### შეკრებები ნებადართულია

დღეიდან ნებადართულია ღია სივრცეში ნებისმიერი სოციალური, მათ შორის სადღესასწაულო, რიტუალური ღონისძიებები, რომლებზეც დამსწრეთა მაქსიმალური რაოდენობა 100 ადამიანით განისაზღვრება.

ამის შესახებ გადამწყვეტილება პრემიერ-მინისტრის ხელმძღვანელობით მოქმედებულ უწყებათაშორისი საკოორდინაციო საბჭომ მიიღო.



პრემიერ-მინისტრის პრესსამსახურის ინფორმაციით, საბჭომ გასულ კვირას უკვე დაუშვა კულტურული ღონისძიებების ორგანიზება ღია სივრცეში, ასევე ნებადართული გახდა დახურულ სივრცეში რეპეტიციების ჩატარება, ჯანდაცვის სამინისტროს მიერ დადგენილი პროტოკოლის დაცვით.

## კაპიტანი ტომი რაინდად აკურთხეს

კაპიტანი ტომ მური ასი წლის ბრიტანელი ვეტერანია, რომელმაც COVID-ის დროს ჯანდაცვის სისტემაში მომუშავე ადამიანებისთვის მილიონობით გირვანქა სტერლინგი შეაგროვა.



პრემიერ-მინისტრმა ბორის ჯონსონმა დაასახელა. მური რაინდად უინძორის სასახლეში აკურთხეს, სადაც 94 წლის დედოფალი მარტის შემდეგ იმყოფება.

ის 17 ივლისს „სერ ტომი“ გახდა, რაც დედოფალმა ელისაბედ მეორემ რაინდად აკურთხა. მეორე მსოფლიო ომის ვეტერანი ბრიტანეთის ეროვნული გმირი მას შემდეგ გახდა, რაც რეკორდული 33 მილიონი გირვანქა სტერლინგი შეაგროვა, როცა 100-ჯერ შემოუარა თავის ბალსასიარულო მოწყობილობის დახმარებით აპრილში, საკუთარი ღირსშესანიშნავი დაბადების დღის მოახლოების წინ. ამ ჯილდოზე მურის კანდიდატურა ბრაზილია კორონავირუსის შემთხვევების რაოდენობით მსოფლიოში მეორე ადგილს იკავებს.

## კბილუბიანი თევზი

მალიზიაში დაიჭირეს თევზი, რომელსაც კბილები ისევე აქვს განვითარებული, როგორც ადამიანებს.

სოციალურ ქსელში ფოტოების გამოქვეყნების შემდეგ, ის მალევე იქცა ინტერნეტვარსკვლავად.


ირკვევა, რომ კბილუბიანი თევზები სულაც არაა ანომალია. ეს თევზები ტროპიკულ და სუბტროპიკულ წყლებში ნამდვილად ბინადრობენ და ათობით სახეობას აერთიანებენ.



## საუკუნისგადასცილებული მოტოსიკლეტი აუქციონზე

აშშ-ში Mecum-ის აუქციონის ისტორიაში პირველად 109 წლის წინ გამოშვებული მოტოციკლი Pierce Arrow 4225 000 გაიყიდა.

აუქციონზე ანტიკვარული მანქანები და მოტოციკლები იყიდება. ნივთის მაღალი ფასი გამოიწვია იმან, რომ იგი იდეალურადაა შენახული და ამ დროის მანძილზე რესტავრატორის ხელი არ შესებია.



Pierce Arrow აშშ-ში მაღალი სტანდარტით შექმნილი პირველი ოთხცილინდრიანი მოტოციკლია. 1909-1914 წლებში აშშ-ში ამ მოდელის 500 მოტოციკლი დაამზადეს.

## მოგზაართავთ გაზეთის მზრუნველთა საბჭოს სახელით

განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 101 წლის ყოველდღიური გამოცემის აღორძინებას.

გვჯერა, რედაქციის მიმართვას გამოეხმაურებიან ჩვენი ბიზნესმენ-ქველმოქმედნიც და გარკვეულ ფინანსურ დახმარებას გაუწევენ გაზეთს.

ჩვენი ანგარიშია: №GE19TB7601536020100009.

(შპს „ახალი საუკუნე“ – გაზეთ „საქართველოს რესპუბლიკის“ გამომცემელი).

## საქართველოს რესპუბლიკა

მთავარი რედაქტორი

სპარტაკ ძოგულია  
599 36-00-35

პასუხისმგებელი რედაქტორები:  
გურამ გომიაშვილი  
599 53-76-16;

ალექს  
ასლანიშვილი  
599 56-81-86;

პასუხისმგებელი მდივანი  
მამუკა ვაშაკიძე  
514 33-33-24

გამომცემლობა:  
შპს „ახალი საუკუნე“ –  
გაზეთ „საქართველოს  
რესპუბლიკის“ გამომცემელი“  
599 53-76-16; 599 36-00-35  
შპს „თანამშრომელთა“  
„საქართველოს რესპუბლიკის“  
გამომცემელი“  
ტ: 599 79-76-79

იბეჭდება გამომცემლობა  
„კოლორ პრესი“  
რკინიგზის ჩიხი №20

uac(უაკ)070.4(479.22)  
ს-323

ISSN 2233-3851



ავტორთა  
საყურადღებოდ!

რედაქციის მიერ  
შეუკვეთავი მასალები  
დაიბეჭდება  
ავტორთა ხარჯით.  
ავტორთა მოსაზრებები,  
შეხატვა, მუდამ  
არ ემთხვევოდეს  
რედაქციის პოზიციას.  
ფაქტების სიზუსტეზე  
პასუხს აბეზან  
ავტორები.

„საქართველოს  
რესპუბლიკა“  
ზენი გაზეთია,  
აუსილავლად  
გამოიწერე, რასაც  
აქ წაიკითხავ,  
სხვაგან ვერ ნახავ!



უსტორიის ვაჭარის ქარხნის:  
აუზ ფონი - 3.0651; აპრო - 3.5010;  
ბრიტანული პირატი სტატიონი - 3.8461;  
100 რუბლი - 4.2744; თურქული ლირა - 0.4468;  
აპარატიონული მანათი - 1.8030;  
1000 სომხური დრამი - 6.3326.

აქტივი 21 ივლისისთვის  
აღმოსავალი საქართველო:  
ბარს - ლაპი +20, ღლე +36  
მთიანი რაიონები - ლაპი +17, ღლე +31  
დასავალი საქართველო:  
ბარს - ლაპი +19, ღლე +29  
მთიანი რაიონები - ლაპი +16, ღლე +29  
თბილისი: ლაპი +25, ღლე +35

დაბეჭდვა, მოგზაართა:  
ტელ: 239-03-43, 599-79-76-79, 568-82-09-84  
ელ. ფოსტა: sakresp@mail.ru  
და sakresp@top.ge  
ვებ-გვერდი: www.sakresp.ge